



Vschinauncha da S-chanf
7525 S-chanf



Radunanza cumünela

Bannida / Missiva

**per la radunanza cumünela in marculli, ils 21 avuost 2019 a las 20.00
sül palc da la sela polivalenta S-chanf**

Stimedas votantas e stimos votants,

La supranza cumünela suottametta cotres la bannida e la missiva per la radunanza cumünela dals 21 avuost 2019 a las 20.00 sül palc da la sela polivalenta S-chanf ed invida amiaivelmaing da piglier part a quella.

Tractandas:

1. Protocol da la radunanza cumünela dals 26 gün 2019*
2. Contrat da garanzia solidarica per l'inter debit da las vschinaunchas da Schlarigna, Puntraschigna, Samedan, Bever, La Punt Chamues-ch, Madulain, Zuoz e S-chanf a favur da la Promulins SA illa dimensiun da max. fr. 53.5 milliuns
3. Vendita parcella nr. 824 i'l quartier "Resgia Chapella" a Georg Rauch*
4. Orientaziun - Iniziativa - Controlla remuneraziuns e spaisas pajedas i'ls ultims desch ans als presidents cumünels
5. Varia

***La documainta per las tractandas sto ad invista/po gnir retratta tar l'administraziun cumünela u es visibla sün l'internet suot:**

www.s-chanf.ch

DEUTSCHER TEXT: BÜCHLEIN BITTE WENDEN

1. Protocol*

Il protocol da la radunanza cumünela dals 26 gün 2019 es sto publicho a partir dals 04 lügl 2019. Dürant il temp da recuors da 30 dis nun es entro üngün recuors cunter il protocol.

2. Contrat da garanzia solidarica per l'inter debit da las vschinaunchas da Schlarigna, Puntraschigna, Samedan, Bever, La Punt Chamues-ch, Madulain, Zuoz e S-chanf a favur da la Promulins SA illa dimensiun da max. fr. 53.5 milliuns

Situaziun da partenza:

La missiva per mauns da las votaziuns cumünelas illas vschinaunchas concernent contrat da garanzia solidarica per l'inter debit da las vschinaunchas da Schlarigna, Puntraschigna, Samedan, Bever, La Punt Chamues-ch, Madulain, Zuoz e S-chanf a favur da la Promulins AG illa dimensiun da max. fr. 53.5 milliuns es agiunta a quista bannida.

Proposta:

La suprastanza cumünela propuona d'approver il contrat da garanzia solidarica per l'inter debit da maximelmaing fr. 53.5 milliuns.

La decisiun sto suot la resalva da l'approvaziun tres las otras vschinaunchas.

3. Vendita parcella nr. 824 i'l quartier "Resgia Chapella" a Georg Rauch

Situaziun da partenza:

Georg Rauch ho inoltro la dumanda per pudair cumprer la parcella nr. 824 i'l quartier "Resgia Chapella" per fabricher üna chesa d'üna famiglia. Georg Rauch es creschieu sü a Cinuos-chel e deira domizilo ils ans 1968 fin 1996 a Cinuos-chel. El accumplescha tuot las pretaisas dal „REGLAMAIN - davart la vendita da terrain da fabrica illa zona d'indigens «Resgia Chapella»".

Proposta:

La suprastanza cumünela propuona da vender la parzella nr. 824 a Georg Rauch.

4. Orientaziun - Iniziativa - Controlla remuneraziuns e spaisas pajedas i'ls ultims desch ans als presidents cumünels

Situaziun da partenza:

Ils 19 marz 2018 haun 29 personas inoltro ün'iniziativa cun la seguinta formulaziun:

As basand sün art. 19 dals tschantamaints cumünels da la vschinauncha da S-chanf pretendan ils suotsegnos, ch'ün giurist da lingua rumauntscha controlla insembel cun la cumischiun da gestiun, scha las remuneraziuns e spaisas pajedas i'ls ultims desch ans als presidents cumünels correspuondan a l'orden da salarisaziun per ufficients, impiegos e lavuraints cumünels e vschinels da la vschinauncha da S-chanf, approvo da la radunanza cumünela dals 25 october 2007. Eventuelas irregulariteds dessan gnir comentedas e quantifichedas in ün rapport a maun da la radunanza cumünela.

Ils 24 october 2018 ho la radunanza cumünela accepto l'iniziativa.

A sieu tschanteda dals 24 lügl 2019 ho la suprastanza cumünela piglio cugnuschentscha dal rapport da la CDG e dr. Marco Toller regard il rapport parziel da «l'iniziativa remuneraziuns e spaisas dals presidents cumünels». Tenor il rapport parziel da la cumischiun da gestiun nu haun pudieu gnir constatedas irregulariteds u surpassamaints dal uorden da salarisaziun in connex cullas spaisas dal president cumünel antecessur, sar Duri Campell. La cumischiun da gestiun giavüscha, cha vain elavuro danouvmaing la ledscha da salarisaziun per pudair eviter in futur discussiuns e melinclettas. Ils cuosts per la lavur giuridica i'l cas Campell per quist' examinaziun s'ammuntan sün fr. 15'106.00.

Proposta:

Dal rapport parziel (14 gën 2019) «Iniziativa - Controlla remuneraziuns e spaisas pajedas i'ls ultims desch ans als presidents cumünels» piglia la radunanza cumünela cugnuschentscha.

S-chanf, ils 06.08.2019

La suprastanza cumünela

Il president:	G. Largiadèr
L'actuara:	A. Kohler

